

**SAUTJÁNDA TILSKIPUN FRAMKVÆMDASTJÓRNARINNAR 94/32/EB**  
**frá 29. júní 1994**  
**um aðlögun að tækniframförum á II., III., V., VI. og VII. viðauka við tilskipun ráðsins**  
**76/768/EBE um samræmingu laga aðildarríkjanna um snyrtivörur**

FRAMKVÆMDASTJÓRN EVRÓPUBANDALAGANNA HEFUR,

með hliðsjón af stofnsáttmála Evrópubandalagsins,

með hliðsjón af tilskipun ráðsins 76/768/EBE frá 27. júlí 1976 um samræmingu laga aðildarríkjanna um snyrtivörur <sup>(1)</sup>, eins og henni var síðast breytt með tilskipun ráðsins 93/47/EBE <sup>(2)</sup>, einkum 2. mgr. 8. gr.,

að höfðu samráði við vísindanefnd um fegrunarfræði,

og að teknu tilliti til eftirfarandi:

Á grundvelli nýjustu vísinda- og tæknirannsókna er heimilt að leyfa endanlega tiltekin efni, rotvarnarefni og útfjólublá geislasúefni sem leyfð voru til bráðabirgða en önnur ber að banna endanlega eða leyfa þau áfram í tiltekinn tíma.

Til að tryggja almannaheilbrigði er nauðsynlegt að banna notkun á 2-metýl-m-fenýlendíamíni.

Á grundvelli nýjustu vísinda- og tæknirannsókna er heimilt að leyfa notkun strontíumhýdroxíðs með tilteknum takmörkunum og skilyrðum, að því tilskildu að varað sé við heilsuspillandi áhrifum þess á merkimiðanum.

Á grundvelli nýjustu vísinda- og tæknirannsókna er heimilt að nota fjölliðu N-{(2 og 4)-[2-oxóborn-3-ýliden]metýl]bensýl}akrylamíðs sem útfjólublátt geislasúefni í snyrtivörur til 30. júní 1995, með tilteknum takmörkunum og skilyrðum.

Ráðstafanirnar sem kveðið er á um í þessari tilskipun eru í samræmi við álit nefndar um að laga að tækniframförum þær tilskipanir er fjalla um afnám tæknilegra hindrana á viðskiptum með snyrtivörur.

SAMÞYKKT TILSKIPUN ÞESSA:

*I. gr.*

Eftirfarandi breytingar eru hér með gerðar á tilskipun 76/768/EBE:

1. Í II. viðauka bætist eftirfarandi númer við:

„413. 2-metýl-m-fenýlendíamín“;

2. í 1. hluta III. viðauka:

a) komi eftirfarandi tilvísunarnúmer í stað nr. 59:

a	b	c	d	e	f
„59	Talk: Vatnað magnesíumsílfat	a) Vörur í duftformi fyrir börn yngri en þriggja ára b) aðrar vörur			Duftið má ekki berast í nef og munn barna“

<sup>(1)</sup> Stjttíð. EB nr. L 262, 27. 9. 1976, bls. 169.

<sup>(2)</sup> Stjttíð. EB nr. L 203, 13. 8. 1993, bls. 24.

b) bætist eftirfarandi tilvísunarnúmer við:

a	b	c	d	e	f
„63	Strontíum-hýdroxíð	pH-stýriefni í háreyðingarvörum	3,5% reiknað sem strontíum, hæsta pH-gildi 12,7		— Geymið þar sem börn ná ekki til — Varasamt fyrir augu
64	Strontíum-peroxíð	Hárnæringarvörur skolaðar burt eftir notkun, til faglegra nota	4,5% reiknað sem strontíum í vörinni, tilbúinni til notkunar	Allar vörur skulu uppfylla kröfur um losun vetnisperoxíðs	— Varasamt fyrir augu — Skolið augun án tafar ef efnið kemst í þau — Aðeins til faglegra nota — Notið viðeigandi hlífðarhanska“

3. Í 2. hluta III. viðauka:

- falli tilvísunarnúmer 1 niður;
- komi „30. 6. 1995“ í stað „30. 6. 1994“ við tilvísunarnúmer 3.

4. Í V. viðauka komi eftirfarandi tilvísunarnúmer í stað nr. 5:

„5. Strontíum og efnasambönd þess, þó ekki strontíumlaktat, strontíumnítrat og strontíumpólýkarboxýlat, sem talin eru upp í II. viðauka, strontíumsúlfíð, strontíumklóríð, strontíumasetat, strontíumhýdroxíð og strontíumperoxíð, samkvæmt þeim skilyrðum sem sett eru í 1. hluta III. viðauka og strontíumlegir, dreifulitir og sölt litarefnanna sem talin eru upp í tilvísun (3) í 1. hluta IV. viðauka;“

5. Í 1. hluta VI. viðauka:

- komi eftirfarandi tilvísunarnúmer í stað nr. 14:

a	b	c	d	e
„14	Maurasýra og natríumsölt hennar (+)	0,5% (gefið upp sem sýra)“		

b) bætist eftirfarandi tilvísunarnúmer við:

a	b	c	d	e
„48	Glútaraldehyð (Pentan-1,5-díal)	0,1 %	Bannað í úðabrusa	Inniheldur glútaraldehyð (ef styrkur glútaraldehyðs í fullunninni vöru er meiri en 0,05%)
49	5-etyl-3,7-díoxa-1-asabísýkló[3.3.0]oktan	0,3%	Bannað í vörur til munnhirðu og vörur sem ætlað er að komast í snertingu við slímhimnu“	

## 6. Í 2. hluta VI. viðauka:

- a) falli tilvísunarnúmer 26, 27 og 28 niður;  
b) komi eftirfarandi tilvísunarnúmer í stað nr. 21:

a	b	c	d	e	f
„21	Bensýlhemiformal	0,03%	Má aðeins nota í vörur sem skola á burt eftir notkun		30. 6. 1995 <sup>44</sup>

- c) komi „30. 6. 1995<sup>44</sup>“ í stað „30. 6. 1994<sup>44</sup>“ við tilvísunarnúmer 2, 15, 16 29 og 30.

## 7. Í 1. hluta VII. viðauka:

- a) komi eftirfarandi tilvísunarnúmer í stað nr. 7:

a	b	c	d	e
„7	3,3'-(1,4-fenýlendímetýlen)bis (7,7-dímetýl-2-oxó-bísýkló-[2,2,1]hept-1-ýlmetansúlfónsýra) og sölt hennar	10% <sup>44</sup> (gefið upp sem sýra) <sup>44</sup>		

- b) bætist eftirfarandi tilvísunarnúmer við:

a	b	c	d	e
„9	$\alpha$ -(2-oxóborn-3-ýliden)-tólúen-4-súlfónsýra og sölt hennar	6% (gefið upp sem sýra) <sup>44</sup>		

## 8. Í 2. hluta VII. viðauka:

- a) falli tilvísunarnúmer 24 og 28 niður;  
b) bætist eftirfarandi tilvísunarnúmer við:

a	b	c	d	e	f
„34	Fjölliða N-{(2 og 4)-[2-oxóborn-3-ýliden)metýl]-bensýl}akrýlamíðs	6%			30. 6. 1995 <sup>44</sup>

- c) komi „30. 6. 1995<sup>44</sup>“ í stað „30. 6. 1994<sup>44</sup>“ við tilvísunarnúmer 2, 5, 6, 12, 13, 17, 25, 26, 29, 32 og 33.

## 2. gr.

1. Aðildarríkin skulu gera allar nauðsynlegar ráðstafanir til að tryggja að frá 1. júlí 1995, að því er varðar efnin sem um getur í 1. gr., geti hvorki framleiðendur né innflytjendur með staðfestu innan bandalagsins markaðssett vörur sem standast ekki kröfur þessarar tilskipunar.

2. Aðildarríkin skulu gera allar nauðsynlegar ráðstafanir til að tryggja að eftir 30. júní 1996 verði hvorki hægt að selja né láta af hendi við neytendur vörunar sem um getur í 1. mgr. ef þær innihalda efnin sem um getur í 1. gr., nema þær samræmist kröfum þessarar tilskipunar.

3. gr.

1. Aðildarríkin skulu samþykkja nauðsynleg lög og stjórnsýslufyrirmæli til að fara að tilskipun þessari eigi síðar en 30. júní 1995. Þau skulu tilkynna það framkvæmdastjórninni þegar í stað.

Þegar aðildarríkin samþykkja þessi ákvæði skal vera í þeim tilvísun í þessa tilskipun eða þeim fylgja slík tilvísun þegar þau verða birt opinberlega. Aðildarríkin skulu setja nánari reglur um slíka tilvísun.

2. Aðildarríkin skulu senda framkvæmdastjórninni þau ákvæði úr landslögum sem samþykkt verða um málefni sem tilskipun þessi nær til.

4. gr.

Tilskipun þessi öðlast gildi á tuttugasta degi frá því að hún birtist í *Stjórnartíðindum Evrópubandalagsins*.

Gjört í Brussel 29. júní 1994.

*Fyrir hönd framkvæmdastjórnarinnar,*

Christiane SCRIVENER

*framkvæmdastjóri.*

---